

牟竊冥上曉反煙反恬悒下徒添反獲反鳥郭戈矛古上  
 和反姦古哀反矢式旨軒音反音萌勳積音反悵反刃向擒音  
 臻側巾攘而羊翔音手捫門下音裁孽上音割  
 反廓然郭土反苦穀智歲上羊反莚并列  
 修行本起經卷下  
 言十

太子瑞應本起經卷上 此号十卷 辭一

具月支優婆塞支謙譯

佛言吾自念宿命無數劫時本為凡人初求  
 佛道以來精神受形周遍五道一身死壞復  
 受一身生死無量譬喻盡天下草木斬以為  
 籌計吾故身不能數矣

支謙

夫極天地之始終謂之一劫而我更天地成  
 壞者不可稱載也所以感傷世間貪意長流  
 沒於愛欲之海吾獨反其源故自勉而特出  
 是以世世勤苦不以為勞虚心樂靜無為無  
 欲捐己布施至誠守誠謙卑忍辱勇猛精進  
 一心思微學聖智慧仁活天下悲窮傷厄慰  
 沃憂感育養衆生救濟苦人承事諸佛別覺  
 真人功勳累積不可得記

至于昔者定光佛興世有聖王号名制勝治  
 在鉢魔大國民多壽樂天下太平時我為菩  
 薩名曰儒童幼懷聰敏志大包弘隱居山澤  
 守玄行禪聞世有佛心獨喜歡被鹿皮衣行

欲入國道經坵聚聚中道士有五百人菩薩  
 過之終日竟夜論道說義師徒皆悅臨當別  
 時五百人各送銀錢一枚菩薩受之入城見  
 民欣然忽忽平治道路灑掃燒香即問行者  
 用何等故行人荅曰今日佛當來菩薩大喜  
 自念甚快今得見佛當求我願

語頃王家女過厥名瞿夷挾水瓶持七枚青  
 蓮華菩薩追而呼曰大姊且止請以百銀錢  
 雇手中華女曰佛將入城王齋戒沐浴華欲  
 上之不可得也

又請曰姊可更取求雇二百三百不肯即探  
 囊中五百銀錢盡用與之瞿夷念華極直數  
 錢乃雇五百貪其銀寶與五莖華自留二枚  
 迴別意疑此何道士披鹿皮衣裁蔽形體水  
 惜銀錢寶得五莖華熙怡非恒追呼男子以  
 誠告我是華可得者奪卿菩薩顧曰買華  
 從百錢至五百已自交決何宜相奪女曰我  
 王家人力能奪卿菩薩匿然曰欲以上佛求

所願耳

瞿夷曰善願我後生常為君妻好醜不離必  
 置心中令佛知之今我女弱不能得前請寄  
 二華以獻於佛菩薩許焉須臾佛到國王且  
 民皆迎拜謁各散名華華悉墮地菩薩得見  
 佛前散五莖華皆止空中當佛上如根生無  
 墮地者後散二華又挾住佛兩肩上佛知至  
 意讚菩薩言汝無數劫所學清淨降心棄命  
 捨欲守空不起不滅無倚之慈積德行願今  
 得之矣

因記之曰汝自是後九十一劫劫号為賢汝  
 當作佛名釋迦文天豐語釋迦為能菩薩已

得決言疑解望止霍然無想寂而入定便速  
 清淨不起法忍即時輕舉身昇虛空去地七  
 仞從上來下誓首佛足見地濯濕即解皮衣  
 欲以覆之不足掩泥乃解髮布地令佛蹈而  
 過佛又稱曰汝精進勇果後得佛時當於五  
 濁之世度諸天人不以為難必如我也

菩薩承事定光至于泥曰奉戒護法壽終即生第一天止為四天王畢天之壽下生人間作轉輪聖王飛行皇帝七寶自至一金輪寶二神珠寶三紺馬寶珠鬘鬘四白象寶珠鬘尾五玉女寶六賢監寶七聖尊寶八萬四千年壽終即上生第二忉利天上為天帝釋壽盡又昇第七梵天為梵天王如是上作天帝下為聖主各三十六反終而復始及其變化隨時而現或為聖帝或為儒林之宗國師道士在所現化不可稱記

菩薩於九十一劫修道德學佛意通十地行在一生補處後生第四兜術天上為諸天師

辭一

三

友

功成志就神智無量期運之至當下作佛託生天竺迦維羅衛國父王名白淨聰叡仁賢夫人曰妙節義溫良迦維羅衛者三千日月萬二千天地之中央也佛之威神至尊至重不可生邊地地為傾斜故處其中周化十方往古諸佛興皆出於此

菩薩初下化乘白象貫日之精因母晝寢而示夢焉從右脇入夫人夢寤自知身重王即召問太卜占其所夢卦曰道德所歸世蒙其福必懷聖子菩薩在胎清淨無有臭穢於是群日諸小國王聞大王夫人有身皆來朝賀菩薩於胎中見外人拜如蒙羅穀而視陰以手攘之攘之者意不欲擾人也自夫人懷妊天為獻飲食自然日至夫人得而享之不知所從來不復饗王厨以為苦且辛到四月八日夜明星出時化從右脇生墮地即行七步舉右手住而言曰天上天下唯我為尊三界皆苦何可樂者是時天地大動宮中盡明梵釋神天皆下於空中侍四天王接置金杙上以天香湯浴太子身身黃金色有三十二相光明徹照上至二十八天下至十八地獄極佛境界莫不大明當此日夜天降瑞應三十有二一者地為大動坵墟皆平二者道巷自淨臭處更香三者國界枯樹皆生華葉四者

苑園自然生奇甘果五者陸地生蓮華大如  
車輪六者地中伏藏悉自發出七者中藏寶  
物開現精明八者篋笥衣被披在旒架九者  
衆川万流停住澄清十者風霽雲除空中清  
明十一天爲四面細雨澤香十二明月神珠  
懸於殿堂十三者宮中火燭爲不復用十四

日月星辰皆住不行十五沸星下現侍太子  
生十六天梵寶蓋彌覆宮上十七八方之神  
奉寶來獻十八天百味食自然在前十九寶  
甕万口懸盛甘露二十天神牽七寶交露車  
至二十一五百白象子自然羅住殿前二十  
二五百白師子子從雪山出羅住城門二十  
四

三天諸婁女現妓女肩上一十四諸龍王女  
遶宮而住二十五天万玉女把孔雀尾拂現  
宮牆上二十六天諸婁女持金瓶盛香汁列  
住空中侍二十七樂皆下同時俱作二十  
八地獄皆休毒痛不行二十九毒虫隱伏吉  
鳥翔鳴三十魚獵怨惡一時慈心三十一境

內孕婦產者悉男聾盲瘖瘂癰殘百疾皆悉  
除愈三十二樹神人現低首禮侍當此之時  
壇場左右莫不雅奇嘆未曾有

夫人即裹以白氎乳母抱養字名悉達王告  
夫人子生非凡吾國有道人名阿夷年百餘  
歲者舊多識明曉相法今欲共行相子可乎

夫人曰佳即嚴駕白象導妓樂出詣道人賜  
黃金白銀各一囊道人不受披氎相太子見  
三十二相軀體金色頂有肉髻其髮紺青眉  
間白毫項出日光目睞紺色上下俱眴口四  
十齒齒白齊平方頰車廣長舌七合滿師子  
臆身方正脩臂指長足跟滿安平趾手內外

握合漫掌手足輪千輻理陰馬藏鹿胎眠鈎  
瑣骨毛右旋一一孔一毛生皮膚細軟不受  
塵水曾有卍字阿夷見此乃增歎流淚悲不  
能言王與夫人懼拜首而問有不祥乎願告  
其意舉手荅曰吉無不利敢賀大王得生此  
神人昨暮天地大動其正爲此矣我相法曰

詳一

五

益

王者生子而有三十二大人相者與國當爲轉輪聖王王四天下七寶自至行即能飛兵仗不用自然太平若不樂天下而棄家爲道者當爲自然佛度脫万姓傷我年已晚暮當就後世不覩佛與不聞其經故自悲耳王深知其能相爲太子起宮室作三時殿各自異處兩時居秋殿暑時居涼殿寒雪時居溫殿選五百妓女擇取端正不肥不瘦不長不短不白不黑才能巧妙各兼數技皆以白珠名寶瓔珞其身百人一番迭代宿衛其殿前列種甘果樹樹間浴池池中奇華異類之鳥數千百種嚴飾光目趣悅太子意不欲令學道宮牆牢固門開閉聲使聞四十里太子生日王家青衣亦生倉頭廐生白駒及黃羊子奴名車匿馬名捷陟王後常使車匿侍從白馬給乘適生七日其母命終以懷天師功福大故上生初利封受自然菩薩本知母人之德不堪受其禮故因其將終而從之生

及年七歲而索學書乘羊車詣師門時去聖久書缺二字以問於師師不能達反啓其志至年十歲妙才益顯太子有從伯仲之子二昆弟長名調達其次曰難陀調達雖有高世之才自然難槩然而自憍常懷嫉意請戲後園的附鐵鼓俱挽強而射之太子每發中的徹鼓二人不如以爲鄙耻久後又請手撲於王前要不如者灌之以水太子慈仁雖躡昆弟不令身痛二人久後又請搗力難前鼻象掣之至庭調達力壯挽而撲之太子含笑徐前接象舉擲墻外使無踈傷於是二人乃覺不如王與左右益知非恒

至年十四啓王出遊欲觀施爲王令左右百官導從始出東城門天帝化作病人身瘦腹大倚門壁而喘息太子問曰此爲何人其僕曰病人也何謂爲病對曰凡病者皆由風寒或熱或冷此人必以飲食不節卧起無常故得此病太子曰一何苦哉吾處富貴飲食快

詳一

六

口亦有不節當復有病與此何異即迴車還  
悲念人生俱有此患豈以豪強獨得免耶遂  
憂不食自念不能嬰此病也王問其僕太子  
出寧樂乎對曰逢見病人以此不悅王即增  
五百妓女晝夜娛樂之王心愁憂恐其學道  
數年小差即復白王閉於宮中其日致久思  
欲出遊王不忍拒預勅國中太子當出無令  
疾病諸不潔淨在道側也

太子駕乘出南城門天帝復化作老人頭白  
背偻拄杖羸步太子問曰此爲何人其僕曰  
老人也何如爲老曰年耆根熟形變色衰飲  
食不化氣力虛微坐起苦極餘命無幾故謂  
之老太子曰有何樂哉日月流邁時變歲移  
物生於春秋冬枯悴老至如電身安足恃迴  
車而還悲念人生丁壯不久有病有老其痛  
難忍吾不能久居天下嬰此苦也又憂不食  
王悔令出復增五百妓女以娛樂之  
數年小差復欲出遊王曰汝每出觀還輒不

樂唯憂消瘦又出何爲太子曰念彼苦耳年  
大當差王勅國中太子當出莫使老病諸不  
潔淨在道側也

太子駕乘出西城門天帝復化作死人室家  
男女持幡隨車啼哭送之太子又問此爲何  
人其僕曰死人也何如爲死曰死者盡也壽

辭一

七

友

有長短福盡命終氣絕神逝形骸銷索故謂  
之死人物一統無生不終

太子曰夫死痛矣精神劇矣生當有此老病  
死苦莫不熱中迫而就之不亦苦乎吾見死  
者形壞體化而神不滅隨行善惡禍福自追  
富貴無常身爲僞城是故聖人常以身爲患  
而愚者保之至死無厭吾不能復以死受生  
往來五道勞我精神迴車而還愍念天下有  
此三苦憂不能食王益不樂曰國是汝有當  
理人物何爲遠慮以自疲苦復增五百妓女  
以娛樂之

太子至年十七王爲納妃簡闕國中名女數

千無可意者最後一女名曰瞿夷端正好潔天下第一賢才過人禮義備舉是則宿命賣華女也太子雖納久而不接婦人之情欲有附近太子曰常得好華置我中間共視之寧好乎瞿夷即具好華又欲近之太子曰却此華有汗汙於牀席久後復曰得好白氎置我中間兩人觀之不亦好乎婦即具氎又有近意太子曰却汝有汗垢必汙此氎婦不敢近傍側侍女咸有疑意謂不能男太子以手指其妃腹曰却後六年今當生男遂以有娠於是太子復啓遊觀出北城門天帝復化作沙門法服持鉢視地而行太子問曰此爲何人其僕曰沙門也何謂沙門對曰蓋聞沙門之爲道也捨家妻子捐棄愛欲斷絕六情守戒無爲其道清淨得一心者則万邪滅矣一心之道謂之羅漢羅漢者真人也聲色不能汗榮位不能屈難動如地已免憂苦存亡自在太子曰善哉唯是爲快即迴車還齋思不食

念道清淨不宜在家當處山澤研精行禪瞿夷心疑知其欲去坐起不離其側至年十九四月八日夜天於窻中叉手白言時可去矣太子仰而荅曰迫有侍衛欲去無從天神即魔其妻諸妓女輩皆令卧息

太子徐起聽妻氣息視衆妓女皆如木人百

辭一

八

益

節空中譬如芭蕉中有亂頭倚鼓委擔伏琴更相荷枕臂脚垂地鼻涕目淚口中流涎琴瑟箏笛樂器縱橫鳩鵲鴛鴦警備之鳥皆悉淳昏而卧太子遍觀旋視其妻具見形體髮爪髓腦骨齒髓髓皮膚肌肉筋脉肪血心肺脾腎肝膽腸胃屎尿涕唾外爲革囊中盛臭處無一可奇強熏以香飾以華彩譬如假借當還亦不得久計百年之壽卧消其半又多憂患其樂無幾姪洪敗德令人愚癡非彼諸佛別覺真人所稱譽也故曰貪姪致老瞋恚致病愚癡致死除此三者乃可得道一心念是已便起瞻沸星夜其過半見諸天

於上又手勸太子去即呼車匿徐令鞍馬褰裳跨之徘徊於庭念開門當有聲天王惟睽聞知其意即使鬼神捧舉馬足并接車匿踰出宮城到於王田間浮樹下明日宮中騷動不知太子所在千乘万騎駱驛而追王因自到田上遙見太子坐於樹下日光赫烈樹為

曲枝隨蔭其軀王悚然寤驚乃知其神不識下馬為作禮時太子亦即前拜曰自我為子希曾出國今一適此大王何宜枉來願用時還令我所以欲離世者以目所見恩愛如夢室家歡娛皆當別離貪欲為獄難得勉出故曰以欲網自蔽以愛蓋自覆自縛於獄如魚辭一 九 十

入筍口為老死所伺如犢求母乳吾恒以是常自覺悟願求自然欲除眾苦諸不度者吾欲度之諸不解者吾欲解之諸不安者吾欲安之未見道者欲令得道故欲入山求我所願得道當還不忘此誓王知其志因惘然不知所言便自還宮謂瞿

夷曰如吾子心清白難動如地不以富貴不慕於天下唯道是欲自期必還於是太子捧樹枝見耕者墾壤出蟲鳥隨啄吞感傷眾生魚鱗相咀其不仁者為害滋甚死墮惡道求出良難諸天雖樂而亦無常福盡則懼罪至亦怖禍福相承生死彌久觀見人間上至二十八天貴極而無道皆與地獄對門三惡道處痛酷百端歡樂暫有憂畏延長天地之間無一可奇也吾不能復為欲惑矣即起上馬將車匿前行數十里忽然見主五道大神名曰賁識最獨剛強左執弓右持箭腰帶利劍所居三道之衢一曰天道二曰人道三曰三惡道此所謂死者魂神所當過見者也太子到問何道可從賁識惶悚投弓釋箭解劍遠巡示之天道曰是道可從行數十里逢兩獵客太子自念我已棄家在此山澤不宜如凡人被服寶衣有慾態也乃脫身寶裘與獵者賀鹿皮衣到前下馬遣車匿還車匿長跪曰



今隨大天不可獨還太子曰汝徑歸上白大王及謝舍妻今求無為大道勿以我為憂即脫寶冠及著身衣悉付車匿於是白馬屈膝故足淚如連珠車匿悲猛隨路而啼顧視太子被鹿皮衣變服去矣  
車匿步牽馬還宮都中外莫不惆悵瞿夷啼

哭自投殿下曰我望太子如渴欲飲汝今與馬反獨空歸前抱馬頸問太子所在車匿曰太子上白大王及謝舍妻今求無為大道得道當還勿以我為憂瞿夷啼哭曰一何薄命生亡我所天為在何許當那求之拊馬背曰太子乘汝出汝何獨來歸舉國人民莫不歎

歎王悲喚咿涕淚交流謂瞿夷曰如吾子所覺老病死苦實為大患此神人也其生之日上帝親下方神侍衛符瑞光相非世所見阿夷相言若不樂天下而棄家為道者當為自然佛度脫万姓今辭學道乃自然乎  
三欲解瞿夷意亦自感結即選國中豪賢得

數千人擇有累重多子孫者取五人現之王曰汝等於家長子抱孫獨曰歡耶吾有一子未曾出門一旦捨我遠涉深山溪谷嶮岨吉凶之難寒暑飢渴誰得知者煩卿五人各遣一子追求索之得必隨侍如有中道委而還者吾滅汝族屬於是阿若拘隣等五人受命

追太子及於深山隨侍數年太子不與語自行如故陟涉山崗蔓踰深谷五人苦之言此狂人耳何道之有行不擇路奚可隨也設委還者王滅吾家不如止此五人所止有好泉水甘果不乏

太子自去踰越名山經摩竭界瓶沙王出畋獵遙見太子行山澤中即與諸耆長大臣俱追見之王曰太子生多音異形相炳著當君四天下為轉輪聖王四海顯顯冥神寶至何棄天位自放山藪必有異見願聞其志太子荅曰以吾所見天地人物出生有死劇苦有三老病死痛不可得離計身為苦器憂畏無

量若在尊寵則有僑逸貪求快意天下被患此吾所厭故欲入山以修其志諸耆長曰夫老病死自世之常何獨豫憂乃棄美号隱遁潛居以勞其形不亦難乎

太子荅曰如諸君一不當預憂使吾為王老到病至若當死時寧有代吾受此厄者不如

無有代胡可勿憂天下有慈父孝子愛徹骨髓至病死時不得相代若此偽身苦至之日雖居高位六親在側如為盲人設燭何益於無目者乎吾觀衆行一切無常皆化非真樂少苦多身非已有世間虛無難得久居物生有死事成有敗安則有危得則有亡万物紛擾皆當歸空精神無形躁濁不明行致死生之厄非直一受而已但為貪欲蔽在癡網沒生死河莫之能覺故吾欲一心思四空淨度色滅恚斷求念空無所適莫是將反其源而歸其本始出其根如我願得乃可大安瓶沙王喜曰善哉菩薩志妙世間難有必得佛道

願先度我太子嘿然而逝當度尼連禪河天神為止流令水暫乾度河行數十里見三梵志各與弟子索居溪邊過問其道自稱言吾事梵天奉於日月日修火祠唯水是淨菩薩荅曰是故生死道耳水不常滿火不火熱日出則移月滿則虧道在清虛水焉能使人心淨傷之而去行起慈心遍念衆生老耄專愚不免病疾死喪之痛欲令解脫以一其意而起悲心愍傷一切皆有飢渴寒熱得失罪咎艱難之患欲令安隱以一其意而起喜心念諸世間皆有憂苦恐怖遭逢之患欲令恬淡以一其意而起護心欲度五道八難之生愚弊蒙闇不見正道念欲成濟使得無為以一其意得善不喜逢惡不憂捨世八事利衰毀譽稱譏苦樂不以傾動

既歷深山到幽閑處見貝多樹四望清淨自念我已棄家在此山澤不宜復飾髮如凡人意以有搗梳湯沐之念則失淨戒正定慧解

碎一

十二

士

度知見意非道之溥汗清淨行當作沙門如  
菩薩法天神奉剃刀髮墮天受而去菩薩即  
拾橐草以用布地正基而坐叉手閉目一心  
誓言使吾於此肌骨枯腐不得佛終不起天  
神進食一不肯受天令左右自生麻米日食  
一麻一米以續精氣端坐六年形體羸瘦皮

骨相連玄清淨漠寂嘿一心內思安般一數  
二隨三止四觀五還六淨遊止三四出十二  
門無分散意神通微妙棄欲惡法無復五蓋  
不受五欲衆惡自滅念計分明思想無爲譬  
如健人得勝怨家意以清淨成一禪行心自  
開解却情欲意無惡可改不復計視念思已  
滅譬如山頂之泉水自中出盈流於外溪谷  
雨潦無緣得入恬惓守一欣然不移成二禪  
行又棄喜意惟見無姪外諸好惡一不得入  
內亦不起心正身安譬如蓮華根在土中華  
合未開根莖華葉潤漬水中以淨見真成三  
禪行棄苦樂意無憂喜想心不依善亦不附

惡正在其中如人沐浴潔淨覆以鮮好白氈  
中外俱淨表裏無垢喘息自滅寂然無變成  
四禪行譬如陶家和埴調軟中無沙樂任作  
何器精進開發無所不能已得定意不捨大  
悲智慧方便究暢要妙通三十七道品之行  
所謂四意止四意斷四神足念五根五力七

每二

十三

士

覺八道周而復始無復瑕穢意在三向一惟  
向空念滅不散無操無捨二向無想心定不  
起好惡不思三向不願不樂三界不復生苦  
便得三活一離貪姪二離瞋恚三離愚癡無  
復罣礙

於是第六化應聲天天上魔王見菩薩清淨  
無欲精思不懸心中煩毒飲食不甘妓樂不  
御念是道成必大勝我欲及其未作佛壞其  
道意魔子薩陀前諫父曰菩薩行淨三界無  
比已得自然神通衆梵諸天億百皆往禮侍  
此非天王所當沮壞無爲興惡自虧福也魔  
王不聽召三玉女一名欲妃二名悅彼三名

快觀使行壞菩薩意三女皆被羅縠之衣服  
 天名香瓔瓊珠璣極為妖冶巧媚之辭欲亂  
 其意菩薩心淨如琉璃珠不可得汗三女復  
 曰仁德至重諸天所敬應有供侍故天獻我  
 我等好潔年在盛時天女端正莫有姝我者  
 願得晨起夜寐供侍左右

菩薩答曰汝宿有福受得天身不惟無常而  
 作妖媚形體雖好而心不端譬如畫瓶中盛  
 臭毒將以自壞有何等奇福難久居姝惡不  
 善自亡其本死即當墮三惡道中受鳥獸形  
 欲脫致難汝輩亂人正意非清淨種革囊盛  
 屎而來何為去吾不用其三玉女化成老母  
 不能自復魔王益忿更召諸鬼神合得一億  
 八千萬眾皆使變為師子熊羆虎兇象龍牛  
 馬大豕猴猿之形不可稱言蟲頭人軀蛇  
 之身龜龜之首而六目或一頸而多頭齒牙  
 爪距擔山吐火雷電四遶護持戈矛菩薩慈  
 心不驚不怖一毛不動光顏益好鬼兵退散

不能得近魔王自前與佛相難詰其辭曰  
 比丘何求坐樹下 樂於林藪毒獸間  
 雲起可畏杳冥冥 天魔圍遶不以驚  
 古有真道佛所行 恬惓為上除不明  
 其誠最勝法滿藏 吾求斯坐快魔王  
 汝當作王轉金輪 七寶自至典四方

第一

十四

友

所受五欲最無比 斯處無道起入宮  
 吾觀欲盛吞火同 棄國如唾無所貪  
 得王亦有老死憂 去此無利勿妄談  
 何安坐林而大語 委國財位守空閑  
 不見我興四部兵 象馬步兵億八千  
 已見猴猿師子面 虎兇毒蛇豕鬼形  
 皆持刀劍獲戈矛 超躍哮呼滿空中  
 設復億姦神武備 為魔如汝來會此  
 矢刃火攻如風雨 不先得佛終不起  
 魔有本願令我退 吾亦自誓不虛還  
 今汝福地何如佛 於是可知誰得勝  
 吾曾終身快布施 故典六天為魔王

比丘知我宿福行 自稱無量誰為證

昔吾行願從定光 受劫為佛釋迦文

怒畏想盡故坐斯 意定必解壞汝軍

我所奉事諸佛多 財寶衣食常施人

仁戒積德厚於地 是以脫想無患難

菩薩即以智慧力 伸手案地是知我

應時普地轟大動 魔與官屬顛倒墮

魔王敗績悵失利 悋迷却踞前晝地

其子又曉心乃寤 即時自歸前悔過

吾已不復用兵器 等行慈心却魔怨

世用兵器動人心 而我以等如衆生

若調象馬雖已調 然後故態會復生

若得最調如佛性 已如佛調無不仁

諸大見佛擒魔衆 忍調無想怨自降

諸天歡喜奉華臻 非法王壞法王勝

本從等意智慧力 慧能即時攘不祥

能使怨家為弟子 當禮四等道之證

面如滿月色從容 名聞十方德如山

求佛像貌難得比 當誓首斯度世仙

太子本起瑞應經卷上 辭一

勉免捐緣慰沃 下烏聰寂 戒蔽 苞弘 非恆

梅厥名月居挾 叶雇裁蔽 必祭反 非恆

能反胡匿然力 反倚於離 七仞 仞高七尺 踏盜

緝反古暗髦鬣 上音毛下晝寢 下七脇 虛業 寤

音羅穀 下胡手攘 羊反而懷妊 禁反而饗 許兩 机

几丘墟 起音血下篋筭 上音苦怙反 櫛築 音後

架霽 反細甕 於貢露車 上音瘡 殘中反 壇場

臆憶 根音趾 時直里反 握於角 合纒 官反輻

下音白 靨 下音目睫 接音胸 許閏 頰 反古叶

音旃 時軟鈎鑣 下音非細濡 軟下古作迭代 上徒

廐音牧捷步 名馬槩 反古代挽強 晚音中的 聲上

手搏 下音躡 毗益 搃力 上音掣 反昌列撲 蒲角

踳傷 上音義云烏門闢 反毗喘息 軟反尺嬰 盈一

反拒音背 僂 主下力羸 反力垂流邁 敗反莫枯悴 下

遂藺閣 下音閱 字即廐 一下作廐 更相廩 上音荷

枕上胡可反流下似琴瑟下音鷓鴣交上音  
 精警音爪反肌肉上音肪音肺反脾腎下音  
 跨反惟反睽反洗反鞍反駱驛上音蹇裳上音  
 烈反笥反口反伺反犢反捧反擗反壘反  
 而反養反下反啄反卓反相反咀反酷反篤反躄反  
 悚然上音蔽反賁反識反徑反惶反悚反遂反巡反  
 拊反慙反歎反歎反啜反啜反頰反頰反  
 顯反山反藪反躄反炳反燭反燭反道反  
 虧反藁反藁反恬反弊反擲反梳反  
 埴反操反沮反壤反珠反璣反妖反  
 治反巧反媚反姝反寐反熊反羆反  
 爪反距反巧反豕反蟻反蛇反龜反龜反  
 爪反距反巧反豕反蟻反蛇反龜反龜反

詰反起一窈冥上音妓反妓反矢反受反荊下音  
 轟反敗反績下音懣反踞反擒反禽音  
 辭一

太子本起瑞應經卷下

辭二

吳月支優婆塞支謙譯

菩薩累劫清淨之行至儒大慈道定自然忍  
 力降魔鬼兵退散定意如故不以智慮無憂  
 喜想是日初夜得一術闇自知宿命無數劫  
 已來精神所更展轉受身不可稱計皆識知  
 之至二夜時得二術闇悉知衆生心中所念  
 善惡殃福生死所趣至三夜時得三術闇漏  
 盡結解自知本昔父所習行四神足念精進  
 定欲定意定戒定得變化法所欲如意不復  
 用思身能飛行能分一身作百作千至億萬  
 無數復合為一能徹入地石壁皆過從一方